

P R A E F A T I O.

Et in Officii declaratione, de munere Christi Prophetico, Regio & Sacerdotali. Hinc, quia nec in Christo simpliciter absolutum, sed in Christo Fide apprehendendo determinatum est Restaurationis humana consilium: ideo Tertio Loco, de Fide agendum fuit, qua Christum reparatorem nostrum apprehendimus, eiusque nobis parta beneficia, secundum aeternum praedestinationis consilium, nobis applicamus. Fides porro quia non hominis, sed DEI opus ac donum est; eaque ut nobis conferatur, & ad finem usque conservetur & confirmetur, Christus Reparator & Restaurator noster, triplici suo, Prophetico nempe, Regio & Sacerdotali munere fidelissimè perfungitur. Nam MAGNVS PROPHETA, per Verbi, Legis & Evangelii, ministerium, pœnitentiam & fidem in cordibus nostris excitat: Quarto igitur Loco, de Lege & Evangelio dicendum fuit.

Inde, de Pœnitentia, quæ Contritione & fide constat; de bonis Operibus, quæ certissimo comitatu eos sequuntur, qui verè resipuerunt: tum aliquid etiam de privata

ta